

Котырес лыдпус

Йоскалык лыдзиськоннилы - 105 ар

Удмуртиысь йоскалык лыдзиськонни 105 ар тырмонзэ пусъе. Библиотека лыдзисьёслы ёсьёссэ 15-тй куартолзэе 1918 арын усъйтз.

Лыдзётюртлэн юнматскон дырыз Граждан ож арёсы тупаз, соин сэрэн 8 сюрс том книгаос но 10 сюрс газет-журнальёс изъян луизы. Кема дыр чоже лыдзиськонниын 6-8 гинэ адыми ужаз. Библиотекаръёс ужзэс вуттымтэен сэрэн мыло-кыдо лыдзиськисьёс пöлысь юрттиськисьёсты öтьылзы.

Лыдзиськонни ужзэ Быдзым Атыкай ож дыръя но азылантьиз. Госпитальёсын, ожгар частьёсын, военкоматъёсын библиотекаос радъяны фондисьтыз тужгес но усто книгаосзэ висъяз.

20 ар чоже лыдзётюрт Александр Пушкинлэсь нимзэ нуллыз, 1957-1989 арёсы – Владимир Ленинлэсь, тросзэ лыдзисьёс сое али но «ленинка» нимало. 1989-тй арын гинэ библиотекалы йоскалык инлык (статус) сөйтзы. 2021-тй арын адресной инвестиционной федерал программа улсын йоскалык лыдзиськонниез быдэсак выльдон ужёс йылпумъяськызы. Библиотекалэсь валтись юртсэ утязы, вöаз куать этажем юрт пуктзы, отчы лыдзиськон залъёс, книга возёнёс но ужасьёслэн висъетъёссы интыяськызы. Пушкин ас эрказ ужась тузонзэ утялтись но омырез чаклась сöзнэтъёс пуктзы, литература галерея, нылпиослы висъет но нотно-музыкальной зал усъйтзы. Ужъёсты «Культура» йоскалык чектос улсын быдэстзы.

2023-тй арын татын лыдзиськонни фондисты утёнъя но выльдонъя улосвыл центр усътыны малпало. Мукет улосвыльёсысь лыдзиськонниос огкыля отчы книгаоссэс но дуно ужкагазъёссэс вылдыны сөтыны быгатозы.

Туннэ библиотекалэн озыы ик трос лыдзисьёсыз но куноосыз. Котькуд нунал ужтыортын адзытонъёс, мастер-классъёс, литература квизъёс, экскурсиос, творческой пумиськонъёс, кружокъёс но мукет ужрадъёс ортчо. Лыдзиськыны яратисьёс 1,5 миллион изданиос пöлысь асьсэллы кельшымонзэ басьтыны быгато. Озыы ик лыдзиськонни йоскалык книгаез возён тужгес бадзым ужтыорт луэ (480 сюрс котыр ужкагазъёс). Библиотека тямыс кунъёсысь 14 огазеяськонъёсын но лыдзётюртёсын документооборот нуэ, Россиысь посольствоосын но предствительствоосын кусып возе.

ИА «Удмуртия»



ru.wikipedia.org



interfax-russia.ru

Удмуртиысь йоскалык библиотека выльдиськон ужёс йылпумъям бере.



smotrim.ru

Йоскалык библиотекалэн лыдзиськон залэз.